



## Allakkiaq Notat

### 2018-imi nunatsinni ernisut

#### Eqikkaaneq

Nunatsinni naartusunik isumaginnineq pitsaasuvoq, naartusut tamarmik naartunermi minnerpaamik ataasiarlutik peqqinnissakkut sullissisunit misissorneqartarput.

2018-imi inunngortut, nukappiaqqat niviarsiaqqanit amerlanerulaarlutik 823-iupput. Taakkunannga tallimat (sisamat nukappiaqqat) toqungallutik erniupput. Qulit marluliaammata ernisut katillutik 813-iupput. Uumallutik inunngortut tamarmik oqimaassusaasa agguaqatigiissinnerat 3.513 gramuvoq takissusaallu agguaqatigiissillugu 51-cm-iulluni.

2018-imi erniviusinnaasut tassaapput Nuuk, Aasiaat, Ilulissat, Sisimiut, Qaqortoq Tasillarluk. Naartusut 98,8%-ii erniviusinnaasuni taakkunani erniupput, 10%-illu pilatsillutik ernillutik.

Ernisut 1.000-iuppata toqungasulisartut 6,08-pput, inoorlaallu toqusartut ernisut 1.000-iuppata 9,72-iulluni.

Ulloq/Brevdato: 29-11-2019  
Suliaq/Sags nr. 2019 - 840  
All/Dok. nr. 12459625

Postboks 120  
3900 Nuuk  
Tlf. (+299) 34 51 92  
Fax (+299) 32 51 30  
E-mail: nun@nanoq.gl  
www.nanoq.gl

---

Ernisut tamarmik juumuup/ernisussiorup erninerup kingorna nalunaarummik nassiussineragut Nunatsinni Nakorsaaneqarfimmut nalunaarutigineqartarput. Napparsimasut ataasiakkaat pillugit qarasaasiakkut allattugaatinut nalunaarsuiffik *Cosmic* nunarput tamakkerlugu atugaalermat paasissutissanik assigiinngitsunik allattugaatinut toqqaannartumik pissarsisoqarsinnaalerpoq. Taamaalillutik paasissutissat napparsimasut pillugit qarasaasiakkut nalunaarsuiffimeersuoneersut tunngavigalugit 2018-imi ernusut pillugit kisitsist suliarineqarput.

Napparsimasut ataasiakkaat pillugit qarasaasiakkut allattugaatinut nalunaarsuiffimmik atuneq aallarterlaajummat paasissutissat nalunaarsunngitsuukkat, kukkusumik nalunaarsuukkat assigisaallu nangaanartoqarput. Ass. siusinnerusukkat inunngortut pillugit paasissutissanik pissarsiniarneq periarfissaasimangilaq taamaammallu pernaammik ernisut ukiui naatsorsorneqarsinnaasimanatik. Naartunermi nalaani tupatorneq napparsimasut ataasiakkaat pillugit qarasaasiakkut allattugaatinut nalunaarsuiffimmut tamatigit nalunaarneqartarsimangimmat, nalunaarusiami ilaangilaq.

Uttuutit ilaat erninermut atatillugu nalunaarutit soorlu anaanat erninerup nalaani najugaat (postnormu), meeqqap inunngorami oqimaassusaa takissusaalu iluaqutsiullugit tutsuiginassusaa qulakkiigaapput.

Nalunaarusiami nunatsinni naartusunik isumaginnineq, naartusut qassit peqqinnissakkut sullissisunit assigiinngitsunit misissorneqarnerannik paasiniaaneq aallaavigalugu nassuiarneqarpoq. Ernisut- marlulisut ilanngullugit- toqungallutik uumallutillu erniusut amerlassusaattut suaassusaannut agguataakkatut

nassuiarneqarput. Uumallutik erniusut oqimaassusaat takissusaallu sap. ak. qassissaa naartunermit anaanaasullu najugaannut (illoqarfinnut) agguataarlugit nassuiarneqarput.

Naartunerup sivilissusaa ernisullu qanoq sumilu ernimermit agguataarneqarnerat nassuiarneqarputtaaq, taamatuttaaq angajoqqaat ukiui, aappaqarnerat inuusutissarsiutaallu oqaatigineqarlutik. Nalunaarusiap naggataani naalungjarsuit toqusartut nassuiarneqarput.

### **Naartusunik misissuisarneq**

Naartusunik isumaginnineq pillugu Peqqinnissaqarfimmi maleruagassat naapertorlugit, nunatsinni naartusut tamarmik juumuut imal. ilinniagalimmit piginnaasalimmit, naartunermi naartusooq ernivissaminut anngutsinnagu minnerpaamik pingasoriarluni misissorneqassaaq. Misissuineq ataaseq tassaassaaq naartunermi sap. ak. 16-issaanni naartunerup sap. ak. qassissaat paasiniaarlugu ultralyd atorlugu misissuineq.

Paassissutissat naartusunik misissuinermit naliliinermit Nunatsinni Nakorsaaneqarfimmit atorineqartut, napparsimasut ataasiakkaat pillugit qarasaasiakkut allattugaatinut nalunaarsuiffimmi nalunaarsukkanik tunngaveqarput taamaammallu nakorsiarnernut/juumuuliarnernut atatillugu nalunaarsuinermit paassissutissat pisariaqartinneqartut eqqortumik immiunneqarsimanerat apeqqutaammat, amigaateqarsinnaallutik. Nuna tamakkerlugu naartusut, naartunermi misissortissimaneq pillugu paassissutissanik pissarsiviusinnaanngitsut, naartusut naartunermi misissortissimasut amerlassusaannik naatsorsuinermit ilaanngitsut 6%-iupput (naartusuni 813-iusuni 47-it).

Tamatuma saniatigut naartusut arfinillit, naartunermi misissortissimanngivissutut nalunaarsorneqarput, sukumiinerusumilli paasiniaanermi taakkunannga sisamat naartunermi ilinniarsimasumit minnerpaamik ataasiarlutik misissorneqarsimasut paasinarsivoq.

Nunatsinni naartusunit tamanit 87%-it (766-init 667-it) naartunermi minnerpaamik pingasoriarlutik juumuut takuneqarsimapput, naartusunillu tamanit 97%-it (766-init 743-it) juumuut minnerpaamik ataasiarlutik misissortissimallutik. Naartusuni misissortissimasut Uummannami Qasigianguanilu ikinnerpaapput (90%), illoqarfinnili allani amerlanermi 100%-iullutik.

6%-iinnaat (766-init 48-it) sundhedsassistentimit/ ernisussiornermi assistentimit takuneqarsimapput.

Nuna tamakkerlugu naartusut naartunermi minnerpaamik ataasiarlutik nakorsamit takuneqartut 93%-iupput (766-init 715-init). Naartusut najugaannut (illoqarfinnut) agguataarneranni naartusut naartunermi minnerpaamik ataasiarlutik nakorsamit takuneqartut Paamiuni ikinnerpaallutik Ittoqqortoormiini Qaanaami, Qaqortumi Qeqertarsuarmilu amerlanerpaallutik 84% -imiit 100%, -imut nikerarnerat, tabeli 1-imi takuneqarsinnaavoq

Naartusut illoqarfik najugaat (N/n)*	Juumuomit misissorneqartut	Ernisussionermit assistentimit misissorneqartut	Nakorsamit misissorneqartut	Ultralugd atorlugu misissorneqartut
Aasiaat (53/51)	100%	4%	90%	76%
Ilulissat (76/69)	94%	12%	91%	81%
Ittoqqortoormiit (5/5)	100%	0%	100%	80%
Kangaatsiaq (18/17)	100%	6%	94%	71%
Maniitsoq (37/33)	91%	3%	91%	76%
Nanortalik (17/15)	100%	13%	93%	87%
Narsaq (21/21)	95%	5%	95%	86%
Nuuk <sup>1</sup> (237/218)	98%	7%	95%	71%
Paamiut (19/19)	100%	5%	84%	84%
Qaanaaq/Pituffillu (18/15)	100%	0%	100%	75%
Qaqortoq (50/49)	100%	2%	100%	82%
Qasigiannugit (10/10)	90%	20%	90%	50%
Qeqertarsuaq (8/8)	100%	13%	100%	63%
Sisimiut (90/89)	98%	4%	91%	74%
Tasiilaq (67/64)	98%	5%	94%	78%
Upernavik (55/52)	94%	6%	90%	71%
Uummannaq (32/31)	90%	6%	90%	68%

Tabeli 1. Naartusunik isumaginnineq erninerup nalaani anaanaasut najugaannut (illoqarfinnut) agguataarneqarnerat

\*N= naartusut amerlassusaat, n= naartusut naartunerminni misissortissimasutut ilisimatissisutaasut amerlassusaat

### Inunngortut/erniusut amerlassusaat

2018-imi meeqqat 823-it nukappiaqqat niviarsiaqqanit amerlanerulaartut erniupput. Tallimat toqungallutik erniupput, taakkunanngalu sisamat nukappiaraallutik. Qulit marluliaammata ernisut katillutik 813-iupput.

Inunngortut/erniusut	I alt	Piger	Drenge
Uummallutik erniusut	818	388 (47,4%)	430 (52,6%)
Toqungallutik erniusut	5	1	4
Katillugit	823	389	434

Tabeli 2. Erniusut amerlassusaasa uummallutik erniusunut, toqungallutik erniusunut suaassusaannullu agguataarneqarnerat

### Marlulisut

Ernisut qulit marlulipput (inunngortut 20-it), taakkunannga sinerissami naartunerup sap. ak. 31-issaanni marlulissat pinasuartumik pilaanikkut toqungallutik erniupput. Marlulissat sinneri Dronning Ingridip Napparsimmavissuani erniupput. Sisamat nalinginnaasumik erniupput (naartunermit sap.ak. 32-issaanniit 36-issaannut) sisamat pinasuartumik pilatsinnikkut (naartunerup sap. ak. 33-issaanniit 37-issaannut) marlulisullu marluk pilersaarutaasumik pilatsinnikkut erniupput (naartunermit sap. ak. 30-issaanniit 36-issaannut).

<sup>1</sup> Nuummi naartusunik misissuisarnernik tusarniaanermut atatillugu paasisutissat nutaat makku pissarsiarineqarput:

201-it nakorsamit misissorneqarput

236-it ultralyd atorlugu misissorneqarput

Marlulissat sisamat Nuummeersuupput, sinnerilu sinerisamingaanneersuullutik.

### Naartunerup siviussusaa

Agguaqatigiissillugu naartuneq, erninerni tamani naatsorsugaq (uumallutik erniusut toqungallutillu erniusut, marlulissat erninertut ataatsit naatsorsuullugit), ullunik 272-inik tassalu naartunerup siviussusaa sap. ak. 38-inik ullunillu arfinilinnik siviussuseqarpoq. Illoqarfinni assigiinngitsuni naartunerup siviussusaa agguaqatigiissillugu assigiinngissuteqangaangilaq.

Naartunerup siviussusaa (sap.ak.)	Ernisut	Ernisut procentinngorlugit
<32	13	1,6%
32-36	73	9%
37-41	723	88,9%
42	2	0,2%
Ilisimaneqanngitsut	2	0,2%
Katillugit	813	100%

Tabeli 3. erninerit naartunerup siviussusaa agguataarneqarnerat

### Inunngornermi oqimaassuseq takissuserlu

Naartunerup siviussusaaani sap. ak. assigiinngitsuni uumallutik erniusut oqimaassusaat takissusaallu agguaqatigiissillugit naatsorsorneqarput. Ataatsimi inoorlaap oqimaassusaa nalunaarneqarsimanngilaq (nunatta avataani inuusooq) inoorlaallu arfinillit takissusaat nalunaarsimanani. Inunngornermi oqimaassuseq (3.455 gram) takissuserlu (50 cm) naartunerup siviussusaa ilisimaneqanngitsoq peerneqarpoq.

Uumallutik erniusut akornanni oqimaassuseq agguaqatigiissillugu 3.513 grammiuvoq.

Uumallutik erniusut akornanni oqinnerpaaq 526 grammiuvoq (naartulernermit sap. ak. 22-issaanni) oqimaannerpaarluni 5.585 grammiulluni (naartulernermit sap. ak. 39-issaanni).

Inoorlaat takissusaat agguaqatigiissillugu 51 cm-iuvoq.

Uumallutik erniusut akornanni minnerpaaq 26 cm-iuvoq (naartulernermit sap. ak. 27-issaanni) tannerpaarluni 57 cm-iulluni (naartulernermit sap. ak. 38-issaanni 40-ssaannilu).


Naartulernermit sap. ak. assigiinngitsuni inoorlaat oqimaassusaat takissusaallu ataani tabelimi takuneqarsinnaapput.

Naartunerup siviussusaa (sap.ak.)	Inunngortut oqimaassusaannik agguaqatigiissitsine q	Oqinnerpaat	Oqimaannerpaat	Inunngortut takissusaannik agguaqatigiissitsine q	Minnerpaat	Takinerpaat
<32	1.359 gram	526 gram	2.550 gram	39 cm	26 cm	48 cm
32-36	2.714 gram	1.414 gram	4.385 gram	48 cm	42 cm	54 cm
37-41	3.637 gram	1.986 gram	5.585 gram	52 cm	44 cm	57 cm
42	3.768 gram	3.540 gram	3.995 gram	49 cm	49 cm	49 cm

Tabeli 4. Inunngortut oqimaassusaasa takissusaasalu naartunerup siviussusaa agguaqatigiissinneqarnerat

### Inunngornermi oqimaassutsit takissutsillu anaanaasut najugaannut (illoqarfinnut) agguataarneqarnerat

Inoorlaat oqimaassusaasa takissusaasalu agguaqatigiissinnerat anaanaasut najugaannut (illoqarfinnut) agguataarneqarnerisa nunap immikkoortuini annikitsumik assigiinngissuteqarnera takutippaat. Ernisut Ittoqqortoormiineersut nuna tamakkerlugu agguaqatigiissitsinermi oqiimaannerpaanik takinerpaanillu meerartaarput, Qeqertarsuarmiillu ernisut oqinnerpaanik minnerpaanillu meerartaarlutik (takussutissiaq 1).




Takussutissiaq 1. Inunngornermi agguaqatigiissillugit oqimaassutsit takissutsillu erninerup nalaani anaanaasut najugaannut (illoqarfinnut) agguataarneqarnerat

**2018-imi nunatsinni ernisut**

Ernisut pineqartut tassaapput - marlullissat erninertut ataatsitut naatsorsuullugit naartulernermit sap. ak. 28-it tamakerlugit qaangiunnerani uumallutik toqungallutilluunniit ernisut.

2018-imi ernisut 813-iupput taakkunannaga pingasut nunatta avataani ernillutik. 66%-init (813-init 535-it), amerlanerit sinerissameersut (224-it Nuummeersut, 311-it sinerissameersut) Dronning Ingridip Napparsimmavissuani ernipput. Ilulissani ernisut tamakkerlutik 10%-iisa ernivianni ernisut affangajaat sinerissap ilaani allaneersuupput. Ernivusartut sinnerini ernisut amerlanersaat ernivimmi najugaqartuupput (illoqarfik).

2018-imi ernivusut tassaapput Nuuk, Aasiaat, Ilulissat, Sisimiut, Qaqortoq Tasiilarlu. Ernissut 98,8%-ii ernivusartuni ernipput.



**Takussutissiaq 2, Ernissut amerlassusaasa ernivinnut agguataarneqarnerat**

**Erninerit**

Ernisuni 813-imi 730-it nalinginnaasumik ernipput (90%). 80-it pilatsillutik ernipput, taakkunanna 22-it pilersaarutaallutik.

Erninerit	Amerlassusaat	Procentinngorlugit
Nalinginnaasumik ernineq	732	90%
Pilersaarutaasumik pilatsinneq	22	2,7%
Pinasuartumik pilatsinneq	58	7,1%
Ilisimaneqanngitsut	1	0,1%
<b>Katillugit</b>	<b>813</b>	<b>100%</b>

**Tabeli 5. Erninerit qanoq erninertut agguataarneqarnerat**

## Pilatsilluni ernineq

80-it pilatsillutik ernipput taakkunanngalu 85%-it Dronning Ingridip Napparsimmavissuani ernillutik.

	Pilersaarutaasumik pilatsilluni ernineq	Pinasuartumik pilatsilluni ernineq
Dronning Ingridip Napparsimmavissua	21	47
Aasianni Peqqinnissaqarfik Diskomi qitiusumik napparsimmavik	0	4
Ilulissani Peqqinnissaqarfik Avannani qitiusumik napparsimmavik	0	3
Sisimiuni Peqqinnissaqarfik Qeqqani qitiusumik napparsimmavik	0	0
Qaqortumi Peqqinnissaqarfik Kujataani qitiusumik napparsimmavik	0	2
Tasiilami peqqissaavik	0	1
Nunatta avataani	1	1
Katillugit	22	58

Tabeli 6. Pilaalluni ernisitsinerit ernivusartunut agguataarneqarnerat

## Dronning Ingridip Napparsimmavissuani ernisut

Dronning Ingridip Napparsimmavissuani 68-it pilatsillutik ernipput, taakkunannga 30%-it sinneqarlaartut pilersaarutaasumik- sinnerilu pinasuartumik pilanneqarlutik.

Ernineq	Amerlassusaat	Procentinngorlugit
Nalinginnaasumik ernisut	467	87,3%
Pilersaarutaasumik pilatsittut	21	3,9%
Pinasuartumik pilatsittut	47	8,8%
Katillugit	535	100%

Tabeli 7. Dronning Ingridip Napparsimmavissuani ernisut erneriaatsinut assigiinngitsunut agguataarneqarnerat

### **Erninerup nalaani angajoqqat ukiui**

Erninerup nalaani anaanaasut agguaqatigiissillugit 27-inik ukioqarput, nukarleq 14-inik ukioqarluni angajullerlu 42-inik ukioqarluni.

Erninerup nalaani ataataasut agguaqatigiissillugit 31-inik ukioqarput, nukarleq 15-inik ukioqarluni angajullerlu 60-inik ukioqarluni.

### **Inuusuttuaqqat anaanangortut**

2018-imi arnat 20-it inorlugit ukiullit 68-it ernipput, taakku affaat inutsiartut 19-inik ukioqarput, sinnerili 14-init tungaannut ukiui appariartorlutik agguataarsimallutik.

Erninerup nalaani ukiut	Amerlassusaat
14	1
15	2
16	9
17	7
18	14
19	35
Inuusuttuaqqat anaanangortut katillugit	68

**Tabeli 8. Inuusuttuaqqat anaanangortut**

### **Inuusuttuaqqat ataatanngortut**

Inuusuttuaqqat 68-it anaanangortut inuusuttuaqqat 13-init ataatanngorput, taakkunanga amerlanerit 19-inik ukioqarlutik. Sinneri 15-inik ukiullit tungaannut assigiinngiaarput.

Erninerup nalaani ukiut	Amerlassusaat
14	0
15	1
16	0
17	1
18	3
19	8
Inuusuttuaqqat ataatanngortut katillugit	13


**Tabeli 9. Inuusuttuaqqat ataatanngortut**

### **Erninerup nalaani angajoqqat agguaqatigiissillugit ukiuisa najukkanut (illoqarfinnut) agguataarneqarnerat**

Erninerup nalaani anaanat agguaqatigiissillugit ukiui sumiiffinni assigiinngiaarput. Nuna tamakkerlugu agguaqatigiissinermi Qeqertarsuarmi ukiukinnerpaaqarluni (25-it), Nuummilu ukioqqortunerpaaqarluni (29-it).




Takussutissiami takuneqarsinnaasut nunap immikkoortuini anaanaasut ukiuia assigiinngissusaat ersarippoq.



Takussutissiaq 3. Erninerup nalaani anaanaasut agguaqatigiissillugit ukiuisa najukkanut (illoqarfinnut) agguataarneqarnerat

Ataataasut agguaqatigiissitsinermi ukioqqortunerularlutik Qeqertarsuarmi ukiukinnerupput (26-it) Ilulissanilu ukioqqortunerullutik (33-it). Anaananiisuullu nunap immikkoortuini ukiumikkut assigiinngissuteqarput.



Takussutissiaq 4. Ataataasut agguaqatigiissillugit ukiuisa erninerup nalaani najukkanut (illoqarfinnut) agguataarneqarnerat

### Aappaqarneq aappaqannginnerluunniit

Aappaqarnermut aappaqannginnermulluunniit tunngatillugu nalunaarsuineq amigaateqarpoq, 105-it ilisimatitsissutaanatik 51-illu "allatut" nalunaarsimallutik. Nalunaarsimasuni 135-it katissimapput (16,6%), 466-it najugaqatigiillutik (57,3%) 55-illu kisimiittuullutik (6,8%).

### Suliffeqarneq suliffeqannginnerluunniit

Ataataasunut (6,9%) naleqqiullugit anaanaasut akornanni suliffissaaleqineq annertuneruvoq (19,8%), taamatuttaaq ataataasunut (0,1%) sanilliullugit anaanaasut akornanni siusinaartumik pensionisiallit amerlanerupput (0,7%). Anaanaasut affaat sinnilaartut ataataasullu 65,8%-ii suliffeqarput. Anaanaasuni ataataasunilu 12%-it ilinniartuupput.

Anaanaasut suliffeqarnerat/suliffeqannginnerat	Amerlassusaat	Procentinngorlugit
Sulisut	443	54,5%
Suliffeqanngitsut	161	19,8%
Ilinniartut	96	11,8%
Siusinaartumik pensionisiallit	2	0,2%
Ilisimatitsissutaanngitsut	6	0,7%
Katillugit	105	12,9%
Sulisut	813	100%

Tabeli 10. Juuumukaqqaarnermi anaanaasut suliffeqarnerat/suliffeqannginnerat


Ataataasut suliffeqarnerat/suliffeqannginnerat	Amerlassusaat	Procentinngorlugit
Sulisut	532	65,8%
Suliffeqanngitsut	57	7,0%
Ilinniartut	104	12,9%
Siusinaartumik pensionisiallit	1	0,1%
Ilisimatitsissutaanngitsut	115	14,2%
Katillugit	809	100%

Tabeli 11. Juuumukaqqaarnermi ataataasut suliffeqarnerat/suliffeqannginnerat

### Anaanaasut suliffeqarnerisa suliffeqannginnerisaluunniit assigiinngissutaannut takussutissiaq

Anaanaasut erninerup nalaani suliffeqarnerat/suliffeqannginnerat najukkanut (illoqarfinnut) agguataarlugit procentinngorlugit misissuataaraanni nunap immikkoortuini annertuumik assigiinngissuteqarnerat takuneqarsinnaavoq. Uummannami, Qeqertarsuarmi Maniitsumilu anaanaasut suliffeqartut amerlanerupput, Ittoqqortoormiinilu, Paamiuni Nanortalimmilu suliffissaaleqisoqarnerulluni.

Taamaallaat Qaanaami Upernavimmilu anaanaasut angerlarsimasut nalunaarsimapput (Qaanaami 6%-it Upernavimmilu 2%-it).



**Takusutissiaq 5. Anaanaasut suliffeqarnerisa/suliffeqannginnerisa erninerup nalaani najugaannut (illoqarfinnut) agguataarneqarnerat**

## Naalungiarsuit toqusartut

### Toqungallutik erniusut


Toqungallutik erniusut naartulernermit minnerpaamik sap. ak. 28-it tamakkerneqarsimappata toqungasumik erninertut nassuiarneqartarput. 2018-imi tallimat toqungallutik erniupput. Toqungallutik erniusut marluk piffissaq naammatsillugu naartuupput (naartulernermit sap.ak. 40-it ullorlu ataaseq kiisalu sap. ak. 40-it ullullu sisamat) pingasullu siusinaarlutik erniullutik (naartulernermit sap. ak. 31-it kiisalu sap. ak. 32-it ullullu marluk).

Inunngortut/erniusut	Katillutik	Niviarsiaqqat	Nukappiaqqat
Uumallutik inuusut	818	388 (47,4%)	430 (52,6%)
Toqungallutik erniusut	5	1	4
Katillugit	823	389	434

**Tabeli 12. Erniasut amerlassusaat uumallutik erniasunut, toqungallutik erniasunut suaassusaannullu agguataarneqarnerat**

Toqungallutik erniasunit tallimaasunit pingasut Dronnings Ingridip Napparsimmavissuani erniupput taakkunanga marluk sinerissameersuullutik.

Toqungasulinerit akulikissusaat erniasuni 1.000-imi toqungallutik erniasut amerlassusaattut (uumallutik toqungallutillu erniasut) naatsorsorneqartarput, taakkulu 2018-imi erniasuni 1.000-imi 6,08-pput.



**Takussutissiaq 6. Toqungallutik erniasut ernivinnut agguataarneqarnerat**

## Inoorlaat toqusartut


Inoorlaat toqusartut tassaapput toqungallutik erniusut inunngornerminiillu sap. ak. iluani toqusut.

Nunatsinni Nakorsaaneqarfiup toqqussutaasut pillugu nalunaarsugai, inoorlaat inunngornerminiit sap. ak. ataatsip iluani toqusimasut paasiniaanermi atorineqarput, taamaalilluni pingasut inunngornermik kinguninngua toqusut paasineqarpoq. Taakku tamarmik siusinaarlutik -naartunerup sap. ak. 22-issaata 34-issaatalu akornanni erniupput.

Ernisut 1.000-iuppat inunngortut (uumnallutik toqungallutillu erniusut) akornanni inoorlaat toqusartut amerlassusaattut naatsorsorneqartarput.

Inoorlaat toqusartut -toqungallutik inuusut (tallimat) meeqqallu inunngornerminiit sap. ak. iluani toqusut (pingasut), inunngortut 1.000-iuppata 9,72-iupput (inoorlaat toqusut arfineq pingasut).

Dronning Ingridip Napparsimmavissuani pingasut toqungallutik erniupput marlullu inunngornerminiit sap. ak. ataatsip ingerlanerani toqullutik. Qitiusumik napparsimmavinni toqungasulisooqanngilaq ataaserli inunngornerminiit sap. ak. ataatsip iluani toquvoq. Peqqissaavinni marluk toqungallutik erniupput inunngornermiillu sap. ak. ataatsip ingerlanerani toqusoqarani.



Takussutissiaq 7. Inoorlaat toqusartut ernivusartunut agguataarneqarnerat